

壞杳冥宗旌幢閃閃排雲漢環佩珊珊下太空接引圓明眞了
了法輪常轉運玄風

造化二首

妙行眞功滿十年普同法道鍊眞仙温温鉛鼎神光綻赫赫靈
砂火候全兩湊玄風通嶽頂一溪寒玉降芝出擘開混沌觀無
極豁達靈根養浩然
保身清雅虎龍吟寂寂眞慈轉古今太極本宗開造化始清玄
象走浮沈神收五臟邪難入性滅三彭道自尋一粒大丹成熟
後寶華圓滿出瑤岑

法眷

道藏輯要

雲光集

七

胃集九
川川

玉京仙眷我心交福注興隆禍不招地獄變成傳道會火坑化
作度仙橋閑聽法鼓喧靈嶽便整雲輿泛紫霄元始垂光弘救
濟混元三界恣逍遙

興題

前驅紫鳳舞雲光後引青鸞入帝鄉七寶洞天常不夜九清科
法普傳方五行四象明交泰萬劫千生滅禍殃二物混成無漏
體一靈眞性達穹蒼

出塵

跳出輪迴入道來玄機默默滿胸懷頓超內外諸塵網不樂周
圍眾苦崖一點靈光無缺漏四般假物任沉埋他時跨鶴朝元

去復返天宮步玉階

贈益都統軍

本是虛無一點真降臨中國作賢臣威加遠塞無邊事忠佐清朝用至仁不外玉陽同慶會每於福地結良因百年定作神仙客善德從今日日新

泰和辛酉詔赴亳州作普天大醮贈眾

聖帝傳符出洞天金門演教慶無邊大興妙供因緣普永保洪基海嶽堅欣樂太平齊慶賀尊崇道德悉周全太清宮下同參事應是皇恩第四宣

勸眾化緣二首

道藏輯要

雲光集

八

胃集九

聞說諸公廣化緣莫辭寵辱苦精研頤神和暢同修鍊養志安恬合自然開闡清虛觀性月斡旋造化舞胎仙了真默默俱無漏不動慈光滿大千
立志甯心普化緣各酬洪願熟香煙宜搜道理重開悟好把塵情一併蠲五臟輝輝生玉蕊二田湧湧吐金蓮十方靈寶騰空起一性通朝不夜天

勸人棄假歸真

藉形託化仗前緣宿孽推臨事逼煎寶鑑神珠遭汨沒風燈石火不牢堅諸公好把輪迴出一志宜將性命全收拾光明投內補悟真達本復周圓